



I. PRINCIPADO DE ASTURIAS

• OTRAS DISPOSICIONES

CONSEYERÍA D'EDUCACIÓN Y CULTURA

EXTRACTU de la Resolución de 24 de xunu de 2016, de la Conseyería d'Educación y Cultura, pola que s'aprueba la convocatoria de subvenciones pa la promoción del llibru n'asturianu y en gallego-asturianu, en réxime de concurrencia competitiva.

BDNS(Identif.): 311381.

D'alguerdu colu previsto nos artículos 17.3.b y 20.8.a de la Llei 38/2003, de 17 de payares, Xeneral de Subvenciones, publíquese l'extractu de la convocatoria que'l so testu completu pue consultase na Base de Datos Nacional de Subvenciones (<http://www.pap.minhap.gob.es/bdnstrans/index>).

Primero.—Beneficiarios:

Va poder presentase a esta convocatoria como solicitante cualquier empresa privada (persona física o xurídica) que tenga como oxetu social, únicu o ente otros, la edición de llibros, y que tenga'l domiciliu social, establecimientu o delegación comercial en Principáu d'Asturies.

Segundo.—Oxetu:

Concesión d'ayudes económicques a empreses editoriales pa la edición de llibros orixinales o traducíos d'otres llingües (con una tirada mínima de 300 exemplares; y con una estensión que nun seya inferior a 50 páxines, sacante en llibros infantiles y xuveniles) y que pol so interés y calidá ayuden a la normalización social de la llingua y al arriquecimientu de la so cultura, faciendo posible la constitución d'un fondu bibliográficu en llingua asturiana.

Tercero.—Bases reguladores:

Por Resolución de la Conseyería d'Educación y Cultura de 26 de mayu del 2016 (BOPA de 13 de xunu del 2016) aprobáronse les bases reguladores de la concesión de subvenciones pa la promoción del llibru n'asturianu o gallego-asturianu, en réxime de concurrencia competitiva.

Cuarto.—Importe:

90.000,00 euros.

Quinto.—Plazu de presentación de solicitúes:

Venti díes hábiles a cuntar dende l'otru día de publicase l'extractu d'esta convocatoria en BOPA.

Sesto.—Otros datos d'interés:

El plazu máximu pa la xustificación de les ayudes concedíes va ser de 10 meses cuentaos a partir de la fecha de publicación de la resolución de concesión en BOPA.

Na sede electrónica del Principáu d'Asturies (<https://sede.asturias.es>) ta publicada la Ficha de Serviciu: códigu 2002113, onde se va atopar el testu íntegru de la Resolución, información complementaria, el formulariu normalizáu de solicitú y la posibilidá de facer electrónicamente la solicitú.

Uviéu, a 24 de xunu de 2016.—El Conseyeru d'Educación y Cultura, Genaro Alonso Megido.—Cód. 2016-07619.